

Divendres,
8 de mai de 2020



Aué,



ETH PAIR-SÉNHER QUE VOLIE AJUDAR A HÈT CENT ANS




Tom Moore, un òme de 99 ans d'Anglatèrra, volie ajudar ena luta contra eth coronavirus. A començaments d'abriu, auec era idea de hèr ua caminada de cent torns a casa sua, quauqui torns cada dia. Volie acabar-les abans deth 30 d'abriu, quan harie cent ans.

Animèc ara gent a veir com auançaue e a dar un còp de man¹ damb sòs entàs sanitaris.² Qui auec de díder qu'anin-anan,³ damb eth sòn caminador,⁴ artenherie 34 milions d'euros! Es sòn an servit tà ajudar as trabalhadors des espitaus que tant de trabalh an auut e an tà cuedar as malauts.

Fòrça persones s'an emocionat damb aquesta istòria e li an enviat postaus d'anniversari. N'a rebut tantes que non li caben en casa! Tanben a apareishut en un video qu'eth cantant Michael Ball cante era cançon 'You'll never walk alone, que vò díder 'Jamès caminaràs solet'.



Com decidic Tom Moore ajudar ena pandèmia deth coronavirus?
Guairi sòs a artenherie amassar entàs sanitaris? | S'escriuesses ua postau a Tom Moore, qué li dideries?



▲ Tom Moore

dar un còp de man: ajudar, colaborar.

sanitari: persona que trabalhe en sistema sanitari entà suenhar era salut des persones.

anin-anan: caminant a plaser.

caminador: aparelh que seruis entà ajudar a caminar sense quèir.



Postaus enviades a Tom Moore
<https://bit.ly/2SKtnZq>



COM AUANÇARÀ ETH DESCONFINAMENT?

Aurà diuèrses fases e se revisarà



Com qu'ara i a mens malauts deth COVID-19, s'a hèt un calendari tà recuperar pòc a pòc era normalitat. Açò òc: mos cau continuar respectant es normes de seguretat e non relaxar-mos, pr'amor que i poirie auer un repunt.⁵ Ath delà, es dates pòden cambiar, segontes era evolucion dera malautia e es diferents territòris.

Fases e data previstes	Activitats permetudes previstes
FASE 0 Coma minim, a compdar deth 4 de mai	<ul style="list-style-type: none"> • Passejar un còp ath dia e apròp de casa en tot seguir uns oraris. • Hèr espòrt sonque en aire liure un còp ath dia en tot seguir uns oraris. • Es bars e restaurants pòden hèr minjar entà emportar. • Bères botigues, coma es perruqueries e es librerias, pòden atier damb ora per auança.
FASE 1 Coma minim, a compdar der 11 de mai	<ul style="list-style-type: none"> • Visites a familhars: i a d'auer pòca gent e an de demorar ena madeisha província. • Pòden daurir mès botigues, mès en tot seguir normes de seguretat. • Es terrasses des bars e restaurants pòden atier quauques taules.
FASE 2 Coma minim, a compdar deth 25 de mai	<ul style="list-style-type: none"> • Poderàn daurir quauques botigues de centres comercials. • Es bars e restaurants pòden atier clients laguens, mès pòqui e sonque enes taules. • Es escolars sonque se dauriràn entàs mainatges petiti damb pairs qu'agen d'anar tath trabalh. • Bèri escolans de siesau poderàn hèr classa ena escola, mès sonque era mitat de cada grop. • Es teatres pòden daurir, mès sonque damb mens dera mitat des espectadors.
FASE 3 Coma minim, a compdar deth 8 de junh	<ul style="list-style-type: none"> • Poderàn daurir es gimnasi, mès non poderàn servir-se des vestiaris. • Se poderà visitar ara gent que viu en residències en tot seguir ues normes. • Se poderà anar tara plaja, mès en tot mantier era distància entre persones.

repunt: naua pujada deth nombre de malauts d'ua malautia dempús d'ua baishada.

ora per auança: hèt de soslinhar dia e ora entà hèr quauquarren.

província: cada ua des parts en qué se separen es comunitats autonòmes en Espanha.

centre comercial: espaci gran a on i a fòrça botigues amassa.



Com se harà eth desconfinament? | Quan ei previst que pogam anar tàs bars e restaurants? | Qué t'a semblat tornar a gèsser en carrèr? Com t'as sentut?



VOCABULARI

traficant: persona que ven productes illegaus.

dròga: substància que, quan entre en organisme, altèrè er estat de consciència.

haishish: dròga que s'obten dera planta deth canam e que s'acostume a humar o mastolhar.

tona: mil quilos.

decomissar: salvar-se era policia un producte illegau qu'a trobat.

desarticular: desmontar ua organizacion de persones.



ARTUREN A UNS TRAFICANTS DE DRÒGA

Era operacion a durat mès d'un an



Era policia a amiat a tèrme ua operacion qu'a permetut arturar a ua banda que traficaua damb haishish. Se dedicauen a transportar-lo e vener-lo entà guanyar-i fòrça sòs. Es membres dera banda trabalhauen des de diuèrses poblacions, coma València, Tortosa e Argenton.

En tot somar era dròga trobada enes diuèrses fases, les an trobat enquia 11 tones de haishish. Era policia a explicat que, s'auessen venut era dròga, poirien auer guanyat enquia 35 milions d'euros. Es Mossos d'Esquadra non auien decomissat jamès tanta quantitat de dròga.



▲ Cargues de haishish decomissades
Fòto: Mossos d'Esquadra

Era investigacion a agut diuèrses fases e a estat fòrça longa. A durat mès d'un an e a acabat en abriu. Gràcies as investigacions de diuèrses policies, entre eres es Mossos d'Esquadra, an detengut a 23 personas. Tanben s'an descorbit es quate vaishèths qu'emplegauen entà transportar era dròga pera Mediterranèa. Ath delà, era operacion a permetut desarticular completament tot eth grop.



Qué hège era banda que s'a desarticulat? | Quin tipe de dròga e guaire les an decomissat en totau? | En quines autes ocasions cres qu'eth trabalh en grop pòt portar boni resultats?



BIAŁOWIESKA, ETH BÒSC MÈS ANTIC D'EUROPÀ



Se trape entre Polònia e Bielorússia

fauna: conjunt d'espècies animals.

bison: tipe de bò pelut damb ua grana bòça.

elan: tipe de cèrvi un shinhau boçut, damb còth cuert e cresta.

gatilop: tipe de gat sauvatge.

Hè milèrs d'ans, tota Euròpa ère poblada per bòsqui fòrça semblants as de Białowieska, damb grani arbes centenaris e ua fauna rica e abondua. Ara, totun, sonque ne demore aquest bòsc plaçat entre dus païsi, Polonha e Bielorússia. Ei eth darrèr bòsc vèrge d'Euròpa e s'i tròben es unics exemplars de bisons europèus, qu'èren lèu extinguidi.

Un bòsc vèrge ei aqueth que non a estat jamès modificat pera accion umana. En bòsc de Białowieska, arrés non i a anat tà bracar arbes entà semiar eth terren, ne a caçar, ne a arrincar plantes. Des de hè 40 ans se tròbe protegit e era resèrva sonque se pòt visitar damb ua guida. Ua auta part non protegida òc que se pòt visitar per liure.



▲ Bisons en estat sauvatge ena resèrva nacionau de Białowieska

En Białowieska i conviuen fòrça tipos diferents de bèsties de bòsc: eth bison, er elan, eth cèrvi, eth sanglièr, eth lop, eth gatilop e era lueira, entre d'auti. S'i an comptat 59 espècies de mamífers, mès de 250 audèths, 13 anfibis, 7 reptils e mès de 12.000 invertebrats. I a arbes qu'an uns 500 ans; cau 4 personas entà entornejar-ne un.



Quines bèsties se tròben en Białowieska? | Perqué se ditz qu'ei un bòsc vèrge? | Cres que hèn ben de deishar visitar per liure ua part e ua auta non? Perqué?



CELEBRAR EN CASA ETH DIA DERA DANÇA



VOCABULARI

Eròs Dia Internacionau dera Dança!
<https://bit.ly/2SHpuaA>

Eth dia 29 d'abriu ei eth Dia Internacionau dera Dança, que rebrembe com d'interessant ei tant veir dança coma barar. Per açò, s'acostumen a hèr fòrça espectacles de dança, ath delà de prepauses entàs escòles o es places tà qu'era gent s'anime a barar.

Enguan eth confinament ac a metut mès dificil, mès es amants dera dança non s'an descoratjat. An cercat formes entà portar era dança tà casa dera gent gràcies as hilats sociaus. Atau, an penjat tot tipe de videos de balhs laguens de casa e an animat a toti a apréner coreografies.

Uns escolans der Institut deth Teatre n'an montat un damb ua pèça de musica de Vivaldi. Dançaires de tot eth mon s'an metut d'acòrd entà dançar. Tot anirà be deth grop Doctor Prats. E es mainatges e mainades qu'auien de participar en acte Dança Ara ac an hèt des de casa damb un mambo ben animat.

? Com s'a celebrat enguan eth Dia dera Dança? | Qué an interpretat es mainatges e mainades deth Dança Ara? | Perqué te semble que cèrtes musiques mos animen fòrça a barar?



▲ Pannèu deth Dia Internacionau dera Dança

cercar formes:
engenhhar-se, inventar ua solucion.

hilat sociau: plataforma en linha entà relacionar-se damb d'aites persones.

coreografia: balh pensat exprès-saments entà ua musica.

pèça: cançon.

mambo: musica e balh d'origina cubana qu'a fòrça ritme.

equiparar: igualar.

salari base: salari basic que recep un treballador a fin de mes.

èxtra: complement que se hig ath salari basa.

desestimar: non acceptar.

contracte: document que conten es acòrds entre dues o mès parts.




ERA LUTA DES FOTBOLISTES AMERICANES



Vòlen equiparar es pagues damb era equipa masculina

Es jogadores cruben sonque un salari basa, sense es èxtres que se paguen as sòns collègues masculins. Per aquest motiu, an decidit denunciar ara federacion e reclamar milions de dolars entà igualar posicions. Era seleccion femenina de fòtbòl d'Estats Units a guanhàt 4 campionats deth mon, deth temps qu'era masculina non n'a guanhàt cap; sonque demorèc en tresau posicion er an 1930.



▲ Seleccion femenina des Estats Units

Ara, totun, un jutge a desestimat era reclamacion pr'amor que ditz que ja signèren un contracte e sabien es condicions qu'aurien. Atau donc, eth jutge cre qu'ara non pòden reclamar çò que poirien auer guanhàt. Es jogadores pensen tornar a dèder que jòguen coma es òmes e que vòlen crubar çò de madeish, pr'amor que hèn a guanhar fòrça sòs ara federacion.

Enes Estats Units, aguesta reclamacion a hèt que fòrça persones, tanben fòrça jogadors masculins, se placen a favor des campiones. Encara atau, eth Govèrn de Trump a justificat era desigualtat.

? Qué a passat damb era seleccion femenina de fòtbòl? | Perqué vòlen guanhar çò de madeish qu'era equipa masculina? | Se siguesses tu eth jutge, qué decidiries?



JUGUEM!

Encreuats numèrics

Horitzontals

- 2 d 3 u / $96 : 24$
- Cap / Nombre parell entre el 70 i el 78
- $1.775 - 572$
- Dies de la setmana / Un parell
- $1.056 + 374 + 61$

Verticals








- Quatre mans / 6 dotzenes
- La tercera part de nou / El doble de quatre / Et tornen un euro d'un bitllet de cinc
- $44.574 : 6$
- 4 c 2 d 9 u / el primer

1	2	3	4
2			
3			
4			
5			



Repte!

Troba les combinacions de dibuixos a la taula.



Anagrames

Troba una paraula amb sentit canviant l'ordre de les lletres.

saca:..... amor:.....

roca:..... opac:.....

marina:..... agror:.....

poster:..... lletra:.....

porta:..... cop:.....

Jeroglífic


El mes de juny és el...

MMMMMM

Aneu amb compte a l'excursió!

99×10

Per pintar



monsefamaoy.blogspot.com

el tricicle

Aprenentatge significatiu i vivencial

el tricicle

Una publicació de:

Tracte Comunicació Global
Passeig Bertrand, 25, 2a
08980 Sant Feliu de Llobregat (BCN)
Tel. 619 787 788 - 93 782 45 13
eltricle.cat
eltricle@eltricle.cat



Setmanari per a nens i nenes

Una publicació de:

Tracte Comunicació Global
Passeig Bertrand, 25, 2a
08980 Sant Feliu de Llobregat (BCN)
Tel. 619 787 788 - 93 782 45 13
eltricycle.cat
eltricycle@eltricycle.cat



SOLUCIONS N. 166

Encreuats numèrics

Horitzontals

- 2 d 3 u / $96 : 24$
- Cap / Nombre parell entre el 70 i el 78
- $1.775 - 572$
- Dies de la setmana / Un parell
- $1.056 + 374 + 61$

Verticals








- Quatre mans / 6 dotzenes
- La tercera part de nou / El doble de quatre / Et tornen un euro d'un bitllet de cinc
- $44.574 : 6$
- 4 c 2 d 9 u / el primer

1	2	3	4
2	0		7
3		8	4
4	7		2
5	2	4	9



Repte!

Troba les combinacions de dibuixos a la taula.



Anagrames

Troba una paraula amb sentit canviant l'ordre de les lletres.

saca:..... casa amor:..... Roma
roca:..... orca opac:..... copa
marina:..... animar agror:..... gorra
poster:..... esport lletra:..... taller
porta:..... tropa cop..... poc

Jeroglífic

El mes de juny és el...

MMMMMM sisè mes (sis emes)

Aneu amb compte a l'excursió!

99 × 10 No us perdeu! (Nous per deu)